

年要有分巡住內奸懶怠事以致賊情軍務不
完者徑自參奏拿問其都察院額行各按
察司并轉行分巡官勘問訟詞勘合到日
本司先將承行并該道承行官員職名
繳報待候三年考滿到院通查完否以別
勤怠以憑考覈布按司堂上分守理辦官
員亦聽巡撫巡按一體定委稽考勤怠若有
遷延及不候更替回司者亦同按察司分巡官
一體究治如此則官無曠職事得理辦具

題奉

聖旨是欽此

分巡分守官年終行過事跡奏繳仍行
本處巡按巡撫官考覈例

成化九年三月二十三日戶部尚書楊 等

題為災異事陝西清吏司案呈奉本部送

內府抄出鎮守陝西太監劉祥題稱會同鎮守陝西

署右都督白玉巡撫陝西左副都御史馬

巡按陝西監察御史蘇盛都布按三司都指

揮同知等官顧錄等會議安民事理成化

九年三月初十日具題奉

聖旨所多言切事宜該衙門看了來說欽此欽遵抄出

內一件開

朝廷外設都布按三司其布按二司各設管官員無非
欲其巡歷郡縣糾察奸匪奉宣德意撫完

黎元保障地方於無事隆治道於悠久也
良法美意無矣加以奈何二司官員之中
顧惡妻小隨出隨入苟延歲月亦有出外
正在經行去處往坐其餘偏僻州縣畏避路
途阻險經年不肯前去人民失所閭閻用心
撫恤罪因冤枉不肯前去辦理盜賊生發
視為無事官員貪污若罔聞知累次行
文痛加責誅而各官好逸惡勞罔知警戒
若不立法稽考終難責其成效如蒙
乞

勅戶部都察院轉行陝西布按二司各行分巡官守官
員照依巡按御史事例今後年終布按司分
管地方將催督過錢糧賑濟過貧民招

撫過復業人戶并奉到各部勘合完過事件
按察司分巡官將問過贓官追過贓罰捕過盜
賊審辦過罪囚犯完過都察院勘合事件并一
應行過事蹟各另具本徑自具

奏以後各官考過到京就將所屬事蹟查考以爲功
蹟如各官所奏不實仍行臣等查考覈實
庶使方面官員各盡厥職所屬地方得保無事
抄出到部送司看得本官所奏要將布按司
分管地方官員將催過錢糧賑濟過貧民招無
過復業人戶并奉到勘合照依巡按御史事
例年終具

奏以後各官考滿到京將所奏事蹟查考以爲功
蹟恐各官所奏不實仍行巡撫官員查

考覈實一節深為有理痛切特弊但陝西錢糧等項亦有按察司官員分管案呈合准其所擬本部行移陝西布政司轉行本司并按察司分守各該地方官員今後一年滿日務要督完收放錢糧賑濟過饑民并招撫過後業人戶完過各部勘合行過一應事蹟候年終各另造冊一様二本徑自

奏繳本部并吏部等部查考各部仍行彼處巡撫官員將各該分管官員所奏行過事蹟逐一覆奏明白如有虛應故事不行着實分理徑自奏奏緣係事例具題次日奉

聖旨是欽此

朝參官門籍有公差患病等項用印信手本開註例

錦衣衛等衙門都指揮同知等官表彬等題為禮義事成化九年五月二十七日該監察御史聶文良等奏今日朝官數火合着該衙門吊門籍查奉

聖旨鴻臚寺錦衣衛照門籍查欽此欽遵臣等吊門籍點開除註公差患病等項文武官員一千八十二員不聞外今將點開不到文武官員名開坐具奏當日奉

聖旨今日朝官數火任每既奉旨點開如何徇情破調止將這八十餘人搪塞好生不公當本官問且饒這遭倪鑄等也都饒了今後有患病得等項的